

四庫全書

子部

欽定四庫全書

子部
普濟方卷二百九十二

詳校官太醫院醫士臣舒岱

編修臣倉聖脈覆勘

總校官進士臣楊懋珩

校對官中書臣楊世綸

謄錄監生臣馮曰琮

欽定四庫全書

普濟方卷二百九十二 明 周王朱橚 撰

瘰癧門

瘰癧結核

附論

論曰瘰癧結核者由風熱毒氣蘊積肝經攻注筋脉鬱而不散故項腋之間結聚成核或如梅棗或如珠顆累累相連其證令人乍寒乍熱頭項強痛四肢不安心神煩燥蓋毒氣與血氣相搏則榮衛不和使之

然也其浮於皮膚之中未著肌肉可以藥內消之若腫硬堅甚不可消之則以藥外化為膿及血令其潰散則易愈也

方

五香散

出聖惠方

治心膈久積熱毒肝氣留滯致項生瘰

癰結核

沉香

木香

薰陸香

各一兩

麝香

一分細研

丁香

荊

羊角屑

子芩

赤芍藥

玄參

當歸

犀角

屑 甘草 地骨皮各三分 連翹 升麻 麥門冬

去心 大黃微炒 黃耆剉各一兩

右為散入麝香研令勻每服三錢水一盞入蘆根五寸生姜半分煎至六分去滓不計時溫服

瘰癧結核

黃耆七分 玄參八分 連翹 人參 升麻 青木香

茯苓 蒼耳子 甘草炙 朴硝 桂心各四分 大黃

麥門冬去心五分 羚羊角屑 鼠粘子 苦參各九分

右為末搗蜜丸如桐子大酒下十九日夜三四漸加至二三十丸以知為度忌生冷猪肉海藻松菜鮓生葱蒜陳臭等物

連翹湯

出聖濟總錄

治男女長少癰癰結核在項腋下項

強背痛

連翹

玄參

木香

昆布

去醃焙乾

枳殼

去瓢炒

犀角

銔各一兩半

此胡

去苗

甘草

炙

黃芩

去黑心

沉香

剉

當歸

切焙

木通

剉

芍藥

升麻

右麤搗篩每服五錢匕水二盞入生姜一片棗二枚拍

碎柳枝二寸長一握細剉煎至一盞去滓溫服空心

日午夜臥各一服

琥珀膏

出聖惠方

治頸項瘰癧初起如梅子腫結硬強漸若連

珠或穿穴膿潰流汁不絕經久難瘥漸成癰疾並治之

琥珀

一兩細研

丁香

木香

各三分

桂心

半兩

硃砂

細研

木鱉

子

去殼一兩

當歸

白芷

防風

去蘆

木通

各半兩

黃丹

七兩

垂柳枝

松脂

二兩

麻油

一觔二兩

右先用琥珀丁香桂心硃砂木香五味為末其餘藥
並細剉以油浸一宿於鐺中以慢火煎候白芷焦黃
漉出次下松脂末濾去滓再澄清油却安鐺中慢火
熬下黃丹以柳木枝不住手攪令黑色滴水中成珠
不散看硬軟得所入琥珀等末攪勻於瓷器內盛用
時看大小用火脇紙上勻攤貼不上數箇立效永不發
烏蛇丸

出聖
惠方

治療癰結成顆核腫疼痛不散或破為

膿水不絕此方立效

烏蛇

三兩酒浸去皮骨炙微黃

犀角屑

玄參

昆布

洗去鹹味

甘

草

炙微赤

枳殼

麩炒微黃

天麻

各三分

郁李仁

湯洗去皮微炒各三分

連翹

牛蒡子

微炒

大黃

微炒

黃耆

剉

漏蘆

各一兩

斑貓

一分以糯米拌炒米黃去頭足翅

右為末煉蜜和丸如桐子大每服不計時候以清米

飲下二十九不過數次效

五香湯

一名香連翹湯出醫方大成同

治一切積熱結核瘰癧癰

疽瘡癰等立見大效

沉香

分一

連翹

射干

寄生

無以升
麻代

獨活

一作
羌活

木

通

升麻

大黃

蒸各
三分

乳香

分一
麝香

一錢
半

丁香

分二

甘草

分二

青木香

分一

右吹咀每服四錢水一盞煎七分空心熱服以利惡毒為度本方有竹瀝芒硝隨熱輕重當日添減

丹參膏

出聖
惠方

療惡肉惡核瘰癧風結諸腫

丹參

蒴藿

各二
兩

秦朮

獨活

烏頭

白芨

牛膝

菊花

防風

各一
兩

茵草葉

躑躅花

蜀

椒

各半兩

白朮

一兩

右切以苦酒二升浸之一宿猪膏四觔俱煎之令酒竭勿過焦去滓以塗諸疾上日五度塗故布上塗貼之此膏亦可服得大行即須少服一方有漢防已無防風

升麻散 治療癰結聚顆塊成瘡上攻頭項疼痛

升麻 玄參 敗醬 犀角 屑 虎杖 紫葛 桑

根白皮 甘草 炙微赤 各一兩 連翹 大黃 微炒 各二兩 紅

雪

每服一錢
湯成下

右為散每服四錢以水一盞煎至六分去滓不計時
候溫服

犀角丸

治癰癰結核

犀角

屑

吳藍

黃芩

去黑心

山梔子仁

巴豆

去心皮炒

研出油
各半兩

升麻

黃耆

剉

防風

去叉

甘草

炙各三分

大黃

剉生

一兩
半

連珠草

一兩

右為末煉蜜和桐子大每服三丸米飲下末利加至

六七九取利為度

三黃丸 治癰癰腫毒結成惡核

大黃

剉 炒 當歸 切 焙 各 一兩

梔子仁

分 一 此胡 去 苗 三分

黃連

去 須

黃芩

去 黑 心 桂 皮 去 粗

赤茯苓

去 黑 皮

乾薑

炮 芍藥

各 半 兩

右為末煉蜜丸如小豆大每服十九丸空心溫酒日三

取微利更以意增減

犀角丸 治惡核癰癰

犀角

鎔

木香

各 一 分

硼砂

研 水 飛 一 錢

白茯苓

去 黑 皮

乾薄

荷 皂角

去皮子
酥炙

大黃

劉炒各
一兩

何首烏

原蠶蛾

天麻

各一
兩

右為細末用生羊肉柏香細切研成膏和丸如黍米
大每服七丸茶清下不拘時

丹參膏

治惡肉惡核瘰癧初腫

丹參

劉炙

白芨

各三
兩

升麻

蒴藴根

各一
兩半

獨活

去蘆
頭

防己

連翹

白欬

玄參

杏仁

去皮尖雙
仁各一兩

右為細切以生地黃汁一升淹浸一宿鐺內微煎十

沸入猪膏四升微煎一炊久膏成滓用摩病處日二

三度

班猫九

治癰癰結核腫硬相連如珠顆頭項肩背煩疼

班猫

一分赤黑斑點者佳
去頭翅足炒過令香

猪牙皂角

一分去黑黃

蛇

蛻皮

半兩微炙

烏蛇

一兩半酒浸去皮骨炙令微黃

天南星

半兩炮製去皮

露

蜂房

二兩燒灰

大黃

三分微炙

麝香

一分研

歲靈仙

半兩

右為末入麝香研勻煉蜜和丸如桐子大空心以粥

飲下十九至辰已間病下如蝦蟇衣及諸惡物

丹參湯 療惡肉核癰癰諸風氣結聚腫氣諸病並治之

蒺藜

丹參

各二兩

甘草

炙

秦朮

獨活 烏頭炮

牛膝

各一兩

躑躅花

蜀椒

各半兩
去汗

右切以水八升煮取三升溫服一升忌海藻松菜猪

肉冷水

連翹丸

出危氏方

治癰癰結核未破或破者

薄荷

二觔絞取汁新者

好皂角

一挺水浸去皮絞取汁以
上二味一處銀石器內熬

成膏

青皮

不去白

連翹

半兩

陳皮

一兩不
去白

黑牽牛

一兩半

生半
炒

右為末用前膏子丸如梧桐子每服三十九煎連翹湯下食後服服之十日見效一方黃連煎湯下

四香飲

出聖濟總錄

治氣癰結核未破者

丁香

木香

沉香

剉

乳香

各一兩

枳實

去穰麩炒一兩

青

橘皮

湯浸去白一兩焙

陳橘皮

湯浸去白焙半兩

右麤搗篩每服三錢七水一盞煎三四沸去滓食後

溫服日三

連翹散

出聖濟總錄

治惡核腫痛癰瘰

連翹

何首烏

米泔浸一宿焙

乾薄荷

各一兩

麝香

研半錢

升

麻

惡實

炒

白茯苓

去黑皮

蛇蛻皮

酒浸炙各半兩

右為散每服一錢七食前後溫酒調下日三

犀角散

出聖濟總錄

治男女癰瘰結核

犀角

鎔

人參

鹿角

鎔

白斂

各一兩

糯米

一合

赤茯苓

男用白女用赤各去皮一分

斑猫

三十枚

右為細散合研令勻看大小斟酌與服每服二十以

上二錢七十歲以上一錢匕並以蜜二匙水二鐘同煎至一盞先以滑石末調二錢匕後調此散夜臥時服至明小便內取下惡物三五日一服取瘥為度

白欬散

出聖惠方

治瘰癧結核根源深固腫硬疼痛

白欬

三分

黃連

去鬚

大黃

黃芩

莽草

赤石脂

赤芍藥

各三分

右為末以鷄子白旋調塗於故帛上貼之燥即易之一方有吳茱萸

五香散

出宣
明論

治一切惡瘡癰癰結核無首尾及諸瘡

腫用之

沉香

木香

鷄舌香

各一兩

薰陸香

麝香

各三錢

連翹

一兩半

右為末細研每服二錢水一盞煎至六分不計時候

玄參湯

治惡核癰癰風結

玄參

升麻

獨活

連翹子

各三兩

木防已

菊

花

各一兩

右切以水八升煮取三升分服一升日三

內消丸

出聖濟
總論

治癰癰初結累累如梅李核日漸不

消則破壞頸腋

人參 玄參

丹參

何首烏

細劉

苦參

各一兩

右為末別用皂角一十挺以麻繩接續穿留索子頭
盛在缸內掘地埋餅子留口用童子小便浸三七日
如值雨下即蓋勿令着水候日足取出以水洗掛陰
處令乾用薄荷四兩酒一升童子小便半升共前皂

角同浸一宿取出煎五七沸傾出以手按取汁細布
濾去滓入藥末一分在汁內用文武熬成膏末二分
入龍腦麝香各半錢同研勻丸如梧桐子大每服二
十九空心日午臨臥時薄荷茶湯下

白飲膏

出聖濟
總論

治瘰癧息肉結硬

白飲 莽草

外臺秘要
作甘草

玄參 木香 芍藥 大黃

生各
一兩

右為末旋取以醋和如膏塗帛上貼之乾極即易

內消丸

出瘡科
精要

治瘰癧結核熱毒鬱滯服之內消

青皮

不去白

陳皮

各二兩

牽牛

半觔取頭末二兩

薄荷

半觔皂角

半觔不蛀者去粗皮及子搥碎水一斗煮軟揉汁去滓熬成膏

右將青皮陳皮末并牽牛末和勻用煎膏子和丸如

菴豆大每服三十九食後荊芥茶清溫水皆可下

紫威散

出聖濟總論

治項上瘰癧如棗李核大者先服

紫威

凌霄花是

海藻

洗去醃焙

瞿麥穗

牡蠣

煨研成粉左顧者真

甘

草

炙各一兩

右為細末每服一錢半七食後白湯調下日三

神妙散

出聖濟總錄

治療癰腫痛成瘡

牽牛子

炒半生半熟

青橘皮

湯浸去白焙

梔子仁

玄參

地骨皮

右等分為散每服二錢七空心糯米飲調下次日服

後牛犀丸

牛犀丸

出聖濟總錄

消毒化結聚

犀角

鎔半錢

龍腦

研半分

麝香

研半分

紅娘子

二十枝

斑猫

二十一枚去頭足翅同紅娘子豆麴炒焦

右為細末用豆麵糊丸如菰豆大每服一九空心日
午夜臥臘茶放溫下服至十日加至二九除淡飯燒
鹽外餘並一應肉食切忌

治療癰結核腫硬疼痛

出聖惠方

斑猫

十四枚去頭足翅糯米拌炒令米黃為度

雄鼠糞

二十枚微炒

右同研令細入臘粉二錢更研以菰豆麵入新汲水
和丸如菰豆大每服空心以麝香酒下三九覺腹內
痛便以硝石末一錢用酒一小盞煎一沸溫服投約

一炊久大小便當有如雀卵汁一合以來下者是效
宜服藥補之

雄黃丸

雄黃

研細

硃砂

研細

麝香

研細

辛

人參

去蘆各半兩

右為細末入研了藥令勻煉蜜和丸如菽豆大每服
於食前以酒溫下三丸

螺子丸

出聖惠方

治療癰結核

小螺子

一十八枚去尖微炒

斑猫

二十一枚去頭足翅炒令黃

雀兒糞

十六

三枚 白色
麝香 一錢
者微炒 研細

右為末入麝香研令勻以好豉一合爛搗研和丸如
菴豆大每日空腹以葱茶下五丸

治療癰結核不散

臘粉 一錢
研

精羊肉

二兩
切細

乾姜 一錢
剉

凌霜花

取白微
炒一兩

右為散入臘粉都拌勻以濕紙裹三五九重火煨熟
取出作一服喫了以溫酒下仍含生姜一片恐吐卧
時服至二更取下惡物五日一般服

治療癰結核外貼令膿自出方

出聖惠方

膩粉

研一分

粉霜

研一分

砒霜

研一分

燕山糞

一分微炒

斑猫

分一

右研細末用臘月猪脂調勻每用小豆大安癰子上用麵糊紙封定至六七日有膿水下至半月膿自出速用生肌散貼之

麝香散

出御藥院方

治療癰結核腫硬不消疼痛

麝香

半錢研

枳殼

二錢半麩炒去瓢

白丁香

二兩

右為細末每服二錢用溫酒半盞調勻食後日進一服

皂角丸 治療癰滿項不破及結核腫者

好皂角子

升一

玄參

連翹

各一兩

右用水五升砂鍋內慢火煎水盡為度每服揀取好皂角子軟者三粒食後臨臥時細嚼津下硬者搗爛蜜和如榛子大含化半月必瘥忌酒麪熱毒物

治療癰結核

人參

甘草

乾薑

白薇

各四分

右搗篩酒服方寸七日三忌海藻松菜

治瘰癧結核腫痛令黃內消方

硃砂

研細

膩粉

粉霜

各研細二兩

右同研令勻用鷄子白和丸如梧桐子大於五更初煎葱湯下三九良久當利如未利再服之

治瘰癧結核不散

出聖惠方

雄鼠糞

小者是

皂角針

劉妙黃各一兩

槲白皮

十兩水八升煎取三升

右為末每服用藥末一錢五更初煖藥汁一盞調服
服後便臥良久當有大吐如未吐更進一服至日出
病如蝦蟆相似吐盡為效與溫粥食之

消毒塗方

出聖濟
總錄

治風熱結硬腫赤疼痛及腮項下

腫結成核

大黃

二兩景天

五兩護火
草是也

右同搗爛塗於患處乾即再敷

大蒜膏

出聖濟
總錄

治瘰癧結聚

大蒜

三枚
搗爛

麝香

研半錢

右和勻敷於帛上貼一日二易旋搗最好

又方

出聖惠方

麝香

一錢
研細

鯽魚兒

二十枚長一寸者去腸肚每魚一枚腹內入和皮巴豆一粒

右入餅子中以泥封漸漸以火燒令通赤候冷取出入麝香同研為散每日空心以溫酒調下半錢良久以熱酒投之逐下惡物每日常服下盡惡物其病自

消

治項上結核

出上海方

地骨皮 榆白皮

右不以多少挫碎煎湯洗之

大效丸

出聖濟總錄

治癰癰一切結核

斑猫 黑豆

一枚

七粒生茅者

右同破為丸如菰豆大每服五丸茶清下小兒一九

此方用之大效

又方

出聖濟總錄

鎮肝丸 治癰癤結核腫硬令內消

用皂角六挺去皮弦二挺塗酥炙黃二挺用陳皮末
二兩水調塗皂角上炙二挺用青皮末一兩水調塗
皂角上炙令黃為細末用精羊肉杵為丸如梧桐子
大每服三十九丸漸加至六十九丸溫水下食後臥時服

治結核癰癤

一名文武膏出
普濟生拔萃方

用桑椹二斗極熟黑色者以布袋取自然汁不犯銅
鐵以文武火慢熬成薄膏子每日百沸湯點一匙食

後日三服

治頰下結核不消經效

用大肚蜘蛛不以多少用好酒浸了研爛同酒去滓
溫服臨臥服之

治項生結核

出海上方

用牡蠣厚白者燒紅為末每服二錢米湯飲調下日
三服半月除根

又方

出海上方

用乾白蟾魚頭燒灰研入膩粉油調貼

治額下瘰癧如梅核

出聖惠方

用海藻一觔昆布一觔酒浸數日服之效一方蜜和

丸合之

用蝸牛殼不拘多少搗為細散每服二錢匕空心米飲調下日再食至四十九日自消

又方

用槲白皮切三合以水四盞煎至一盞去滓頓服當

吐惡物

治癰癰發腫及結核痛不可忍及癰未潰

用莽草一兩搗末和鷄子白塗貼之一日二易

心勝丸 治癰癰不以年深日久日近腦後兩邊有小

結核連連數箇傷內有塊兼勞瘵

用鯽魚一箇去腸肚并入雄黃一粒鷄子大礪砂一

錢於腹內仰放魚於灰上燒烟盡取以全蜈蚣一條

蓬朮半兩梔子五箇皂角二挺並燒草麻五箇去皮

燈上燒黃明膠三寸皂角二挺去皮酥炙為末別用
皂角二挺去皮槌碎以水三碗揉去滓取汁精羊肉
四兩搗爛入輕粉五厘男子乳半盞許同研成膏和
藥末丸如菡豆大硃砂為末溫酒清晨十九旦服至
晚下肉疙疸子若有五箇則以五服之視其所生多
少以為服數既可更浸數服如熱毒瘡癰未有頭頂
者亦用消散一方加巴豆三七粒燒存性入

治療癰結核令內消方

出聖
惠方

取䟽蟲隨多少微炒搗為末揀蜜和丸如梧桐子大

空心以酒下三丸

散毒膏

出楊氏家藏方

治血氣凝滯結核不消欲作癰癰者

大黃

一兩

天南星

一枚重一兩者

當歸

洗焙半兩

防風

去蘆鬚半兩

麝

香

一兩別研

右為末細每用三錢以烏鷄子清作膏子於患處敷

之

連翹散

出楊氏家藏

治療癰結核不消

連翹 鬼箭羽 瞿麥 甘草

炙四味各等分

右為細末每服二錢米泔水調臨臥一服

治一切丈夫小兒癰氣腫結連綴結痛項頸強不可

反側方

出護命方

黃耆 牽牛

炒各一兩

大黃

當歸

牛蒡子

炒各半兩

枳

殼

只使青

旋覆花

木香

各一分

麻黃

去根一分

右為細末每服一錢半食後葱湯調下

治癰癰生瘡結核

用董菜乾為末細油和煎成膏貼癰核上三五度董菜野地生非人所重一名董菜自柳子如米花紫色

治療癰已結成

用鴿子一隻置籠中以菜豆飼之三日去糞不用後旋收糞曝乾研細二錢麝香酒調下食後服

諸毒癰癰

附論

夫癰癰之候大概有三一曰風毒得之於風二曰氣毒

得之於氣三曰熱毒得之於熱蓋風熱氣蘊蓄經脉否
澁皆能結於頭項胸腋成瘰癧鞭核狀如連珠潰生
瘡不療則變久瘰之證令人寒熱羸瘦

方

木香丸

出聖濟
總錄

治熱風毒氣結為瘰癧惡寒壯熱勞

即更甚將成瘰

木香 犀角

鎔 芍藥

連翹

各一兩半

白欬

一分

射干

海藻

洗去醋
味焙乾

昆布

洗去醃
味焙乾

烏蛇

酒浸一宿
去皮骨炙

玄參

各二

兩
大黃 劉微炒

三兩

右為末煉蜜丸如梧桐子大每服十九丸空心溫酒下
至夜再服

五香湯 療毒腫癰癰

麝香 研 青木香 鷄舌香 藿香 薰陸香 當

歸 黃芩 升麻 芒硝 各二分 大黃 五分

右㕮咀以水六升煮二升去滓分服相去如人行七
八里再服諸卒尸疰惡氣亦療

沉香湯

出聖濟總錄

沉香 丁香

木香

麝香

各一分

連翹

去黑心

黃芩

各半兩

升麻

一兩

右麝搗篩每服五錢七水一盞半煎至八分去滓溫服空心日午夜臥各一服

薄荷丹

出仁齋直指

治鮮癰癰風熱之毒自小便宣毒後

須常服

牡薄荷 皂角

不蛀去弦皮

連翹

蔓荊子

何首烏

米泔浸
一宿

荊三稜

煨

荊芥

各一兩

右為末好豉二兩半以米醋煎服沸酒豉淹令軟研如糊和丸如梧桐子大每服三十丸食後熱水日一服送下病雖愈常服

連翹丸

出聖濟總錄

治熱毒氣結成瘰癧

連翹

芍藥

玄參

大黃

劉炒

犀角

鎊

防己

羌

活

去蘆鬚

木香

山梔子仁

各一兩

右為末煉蜜丸如梧桐子大食後米飲下二十九日

再服

蜂房膏

出聖濟總錄

治熱毒氣毒結成瘰癧

露蜂房

炙

蛇蛻皮

炙

玄參

黃耆

劉

蛇床子

各三分

杏仁

一兩半

亂髮

雞子許大

鉛丹

三蠟二兩

右先將前五味剉細綿裹用酒少許浸一宿勿令酒

多用油半觔內杏仁亂髮煎十五沸待髮消盡即用

綿濾更下鐺中再下鉛丹蠟又煎五六沸即瀉出於

瓷盆中盛取貼瘡上一日一換

木通丸

出聖濟
總錄

治風熱氣毒瘰癧

木通

剉

車前子

酒浸
炒

大黃

剉炒

連翹

去蘆

玄參

知

母

各一
兩

右為末煉蜜丸如梧桐子大每服十九丸臘茶下

赤小豆散

出聖濟
總錄

治熱毒風毒氣毒瘰癧

赤小豆

炒

黃藥子

硝石

研如
粉

大黃

生各
一兩

木鱉子

三枚
去殼

猪牙皂莢

五挺
酥炙

右為散以不語津調塗之乾即易

射干湯 療惡毒身強痛癰瘰

射干

桂心

各二兩

麻黃

去節

生薑

甘草

各二兩

杏仁

四十箇
去皮尖

右切以水四升煮取三升去滓分三服忌海藻松菜

斑猫散

出聖濟
總錄

治項下并腋下熱毒氣結成癰瘰

斑猫

去頭翅足糯
米炒黃半兩

豆黃末

糯米末

炒半生半
熟各一兩

膩粉

一分

右為散一處研勻空心米飲調下二錢二當吐瀉下
惡物即煮糯米粥補之如吐不止以炒黃豆末煎湯
止之甚不止磨少許雄黃麝香止之將息後再服取
吐瀉惡物盡為度

大黃散

出聖濟
總錄

治風毒氣毒熱毒瘰癧不破者

大黃

溫紙裹煨
微焦色

甘草

炮

白殭蚕

去絲焙乾
各一兩

檳榔

煨

分

右為散每服二錢匕蜜熟水調下日可三五服取下

惡物如魚腦即愈

鷄鳴散

出聖濟總錄

治氣癰疼痛及熱毒結核或多煩悶

熱而不寒者

牽牛子

一兩

胡粉

一錢

大黃

蒸熟二錢

朴硝

鍊成珠者三錢

右為散鷄鳴時以甘葉水調服三錢以利為度不利

再服

胡粉丸

出聖濟總錄

治風毒氣毒癰瘰

胡粉

一錢

雄黃

研一錢

右研令勻用烏鷄子三枚取白調藥入淨瓷盆內於飯上炊軟硬得所丸如桐子大每服三十九至四十九溫熱水下轉惡物為驗

內消浸酒方

出聖濟總錄

治風熱毒氣結成瘰癧

仙人放杖草根并苗

二羌活

去蘆頭一觔

杏仁

去皮尖炒研一

兩

右將前三味細剉研杏仁以淳酒一斗於瓶內封七日後取開空心暖服一盞臨臥時再服

羌活散

出聖濟總錄

治風熱毒氣結癰瘰

羌活

去蘆頭一兩半

白僵蚕

炙一兩

右為散每日空心以蜜酒調下四錢七夜再服

凝米散

出聖濟總錄

治風熱毒氣頰下結核及欲作癰疽

癰發背等

萊豆粉

乳香

研各一兩

右合研為散實人分作四服虛人分作八服食後米調下就有核處一邊臥盡劑必瘥大消腫痛

內消膏

出聖濟錄

治風毒氣毒不順結聚成癰或破或不

破

用蝟皮生剉一枚用甕器盛泥固濟木炭燒為末酒調服

白梅丸

出聖惠方

治風毒氣毒瘰癧

用白殭蚕直者不拘多少炒令黃色搗為末用陳白梅肉和為丸桐子大每服三十丸熟水下空心午後各一服

內消方

出聖濟總錄

治風熱毒氣結成瘰

用小麥淘淨煮三五升頻喫即愈

風毒瘰癧

附論

夫風毒瘰癧者由風邪之氣在於經脉經脉否澁結聚所成也此皆由臟腑夙有風熱不得宣通邪氣客於肌肉搏於血氣故凝滯結為瘰癧也

方

昆布散

出聖惠方

治風毒瘰癧腫結內消

昆布

洗去鹹味

海藻

洗去鹹味

枳殼

麩炒黃去白

何首烏

牡荊

子

各一兩

牛旁子

微炒

連翹

微炒

防風

去蘆頭

玄參

牽牛

子

微炒

甘草

微炒赤剉

大黃

剉微炒各半兩

白英仁

五十枚微炒令黃色

右為散每服食後煎葱湯調下一錢

犀角散

出聖惠方

治風毒癰癰筋脉拘煩急疼痛

犀角屑

羚羊角

薏苡仁

黃芩

酸棗仁

微炒

桂心

羌活

甘草

各三分

防風

去蘆頭

枳殼

麩炒黃

升

麻

栝柳

各一兩

右為散每服四錢以水一鐘煎至六分去滓每服於食後溫服

烏蛇丸

出聖惠方

治風毒留滯臟腑攻注肌肉於項腋生

瘰癧疼痛

烏蛇

酒浸去皮骨微炒黃二兩

黃耆

劉

枳殼

微炒

牛蒡子

微炒

木通

劉各一兩

大黃

微炒一兩

犀角

連翹

昆布

洗去鹹味各三分

漏

蘆

三兩

甘草

炙微赤劉半兩

斑猫

一錢以糯米拌炒米黃為度去頭足翅

右為末煉蜜和丸如桐子大食後以牛蒡子湯下三

十九

皂莢丸

出聖惠方

治風毒氣盛項邊生癰結梗或赤疼痛

皂莢

去黑皮塗酥炙黃去子

乾薄荷

各四兩

乾蝎

微炒

殭蚕

微炒

升

麻

牛黃

細研各半兩

夜明砂

微炒

蓬莪朮

各一兩

鴿屎

二兩

微炒麝香

一分細研

右為末入麝香牛黃同研令勻煉蜜和丸如桐子大
每日空心及夜臨臥時以薄荷湯下三十丸

皂莢丸

出聖惠方

治風毒瘰癧項頸下生如梅李棗核腫

痛令內消

皂莢

三十枚去黑皮塗酥炙令焦黃去子搗令極爛用水一升掾絞取升熬成膏

何首

烏

乾薄荷

各半

蝸牛

炒令微黃四兩

精羊肉

去脂鹽四兩掾切炙

令 硼砂

附子

燒烈去皮臍

天麻

天南星

炮

半夏

湯洗七次去滑各一兩

右為末入皂莢膏和丸如梧桐子大每日空心及晚食前浸牛膝酒下十九漸加至二十九

大聖散

治癰癰消風毒腫上癰內熱多生瘡疹風丹

證氣壯人食煎燂多以致此疾

羌活 荆芥 升麻 防風 薄荷 甘草 大

黃 玄參 黃芩

右等分為末每服一錢水一盞煎至六分溫服

斑猫丸

出聖
惠方

治風毒瘰癧生於項間腫硬磊磊相連疼

痛

斑猫

二十枝去頭足翅糯
米拌炒令米黃色

麝香

半分
細研

水蛭

一分炒
黃色

甘草

半兩炙
微赤炒

黑豆黃

三分
生用

羌青

二十枚去頭足翅
糯米拌炒令米黃

色

大黃

半兩
微炒

青蛇

二兩
醋浸一宿
去皮骨炙微黃

右為末研入麝香令勻煉蜜和丸菰豆大每日須空
心以米飲下三九如未有效加至五九當小便出如
爛筋如小便澁以滑石二錢水五合煎至三合溫服
即利

榆白皮散

出聖
惠方

治風熱腫毒項生瘰癧

榆白皮

剉

槐白皮

赤小豆

大麥麴

桑白皮

剉
朴硝

皂莢

去黑皮塗酥炙微
黃以上各半兩

右為散用鷄子清和如膏以舊布上攤可腫大小貼之乾即易之

牛蒡丸

出聖惠方

治風毒結核瘰癧腫硬疼痛內消

牛蒡子

微炒

何首烏

各二兩

乾薄荷

一兩

麝香

牛黃

各二錢半

皂角

七挺水半升搥汁熬成膏合藥丸

右為細末以皂角膏為丸如桐子大每服三十丸煎

黃耆湯下

祛風丸

一名何首烏丸出聖惠方

治風毒瘰癧

何首烏

乾蒸

薄荷葉

玄參

各四兩
為末

精羊肉

半斤

皂角

數十枚十挺火燒存性十挺
塗酥炙去皮俱以水絞汁去滓

右以皂莢水煮肉使爛細研和藥為丸如桐子大每服二十九空心溫酒服或薄荷湯亦可一方煉蜜丸食後溫水下無羊肉

升麻湯 右風毒咽水不下及癰癰腫

升麻

芍藥

各四兩

射干

三兩

杏仁

去皮尖炒三兩

麻黃

去節二兩

甘草

炙二兩

楓香

葛根

各三兩

右切以水八升煎取半分二服忌海藻粉菜

秦朮湯

出聖惠方

治風毒久不痒搏於筋脉因成癰癰結

核生項腋

秦朮

去苗土

連翹

青橘皮

去白焙

栝柳

煨各半兩

犀角

三鎰

分

右麝搗篩每服三錢水一盞入木通少許同煎七分

去滓溫服

皂莢丸

出聖惠方

治肝肺風毒項生結核痒痛遍身頑痺

皂莢

十兩去黑皮塗酥炙令黃去子

獨活

五兩

防風

三兩去蘆

天麻

五兩

薄

荷

五兩乾的

右為末煉蜜和丸如桐子大食後煎槐白皮湯下三

十九

麝香散

出聖惠方

治療癰夾風毒壅熱咽喉腫滿胃隔不

利

麝香

一分研細

白英子

四兩炒黃末

膩粉

鉛霜

各半兩

右同研為散不計時候以薄荷湯調下一錢

治風毒瘰癧結核硬腫痛

出聖惠方

玄參

二兩

夜明砂

微炒二兩

皂莢

五挺去黑皮塗酥炙微黃

右為末煉蜜丸如桐子大食後以薄荷湯下二十九

又方

出聖惠方

烏蛇

二兩浸酒內去皮骨炙令微黃色

牛蒡子

一兩炒微黃

何首烏

二兩

右為末煉蜜和丸如桐子大食後以溫水下二十九

治瘰癧令內消

出聖惠方

何首烏

十兩九蒸九曝為末

皂莢

十挺五挺去黑皮塗酥炙令黃色去子為末五挺水

浸一宿揉絞
取水一升

右用精羊肉一觔細切前皂莢水同煎如膏入何首
烏末及皂莢末丸如桐子大空心以米飲下三十丸

治風毒瘰癧赤腫痛硬

出聖
惠方

鼠粘子

一升
微炒

荆芥穗

四兩

右為散每服三錢以水一盞煎至五分去滓入竹瀝
半合攪勻服之日三

治風毒所攻繞項生瘰癧如連珠宜服浸酒方

出聖
惠方

海藻

五兩洗去鹹味烏蛇五兩酒浸去皮

右為散以酒七升浸五日每取酒半盞飲之日再飲
治療癰消風毒腫上癰內熱

牡蠣

二兩火煨為末

玄參

一兩甘草

半兩炙

右為末每服二錢同臘茶清調下

又方

用白鵲糞不以多少陳米飯擦和得所丸如梧桐子
大米飲下五十丸

治癰癰赤腫

出聖惠方

用地松一觔搗如泥敷癰上乾即易之以痒為度

治癰癰風熱結毒腫硬痛未破方

出聖惠方

用五月內取大槲子葉一押剉令細入大釜竈內以水五斗煎至一斗濾去滓却入鍋中熬成膏每服空心以溫酒調半兩服之良久當吐以吐出癰子根為度

治風毒癰癰

出聖惠方

用牛蒡子三升微炒為散用絹袋盛以無灰酒五升
漬二十七日空心溫服一盞

治風毒癰子

用黃花蛇一條酒浸一宿去皮骨炙令黃搗為散空
心以粥飲調下一錢服盡即歇十日若未消滅即更
作服之如已消即止

治風毒癰癰赤腫

用生栗子肉生嚼敷之

氣毒癰瘡

附論

夫氣毒癰瘡者由風熱氣毒攻於肺故也肺主通行諸臟之氣若經絡壅塞則衛氣凝滯不得宣行邪熱與氣相搏結聚於皮膚肌肉之間而生癰瘡也又有愁憂不足思慮過度情志怒傷於心肺肝氣毒滯於胸膈致臟腑否澁氣血凝留亦因茲而成氣瘡也

方

檳榔散

出聖惠方

治氣毒癰瘡心膈壅悶不下飲食

檳榔

前胡

去蘆

赤茯苓

牛蒡子

各一兩炒

人參

去蘆枳

殼

去白 麸炒黃

防風

去蘆

沉香

各半兩

甘草

炙微赤 剉一分

右為散每服四錢水一盞入生姜半分煎至六分去

滓空心及晚食前溫服

治氣毒瘰癧結腫疼痛服之令內消方

出聖惠方

豆豉

一合以湯浸一宿研如汁去滓

水蛭

一箇炙

鵝鴝糞

一兩微炒

夜明砂

二兩微炒

當歸

半兩

赤芍藥

半兩

薰陸香

半兩白

礬灰

一分

鷄子

二枚去殼

右為末入豉汁相和搗勻以油單裹炊飯上蒸候飯熟取出入少蜜丸如桐子大食前以溫酒下十丸

皂莢丸

出聖惠方

治風毒癰癰腫硬疼痛時發寒熱不思

飲食日漸羸瘦

皂莢

五挺去黑皮塗酥炙微黃焦去子

蝸牛子

五十枚炒微黃

雄黃

子兩細研

何首烏

陳軟棗

連翹

各一兩

麝香

一分細研

龍腦

錢一

細研 芫青

七枚以糯米拌炒末黃為度去頭翅

右為細末入研了藥令勻煉蜜和丸如桐子大食前

玄參湯下七丸

治風毒聚結生瘰癧漸多腫硬宜用此藥貼瘡令消爛

膿自出方

出聖
惠方

燕糞

斑猫

羌青

雌黃

各一兩

青黛

麝香

各一

錢水銀

一皂莢
子大

猪脂

半兩

右以猪脂先研水銀令星盡後入諸藥同研令細每用小豆大安在瘰癧子上以醋麪糊紙花子其瘰癧蓋之或先炙破亦得經五七日看瘰癧子爛潰紅絲脚斷即

漸漸揭起紙其瘰子隨藥自出後用煮猪蹄溫湯洗却別貼膏藥止痛生肌

海金沙丸

出聖惠方

治氣毒瘰癧結硬不消日夜疼痛

海金花

丁香

琥珀

細研各一分

敗龜

塗酥炙黃

甜葶藶

隔紙炒紫色各一分

麝香

一錢細研

皂莢

二十枚炒為末

右為末同研令勻煉蜜丸如桐子大每服於食前溫湯下五十丸其病當從大小便出

斑猫丸

出聖惠方

治氣毒瘰癧服之令內消

斑猫

一兩去頭足翅以糯米拌炒令米黃為度

麝香

半兩細研

硃砂

半兩細研

乾

薑

三分生

甘草

半兩生剉

犀角屑

半兩

粟米

二合微炒

右為末入研了藥令勻以蜀葵根白皮杵自然汁和

丸如梧桐子大每服以蜀葵根湯下五丸空心臨臥

服

何首烏丸

出聖惠方

治氣毒心膈壅滯頸生瘰癧咽喉不

利

何首烏

昆布

洗去鹹味各二兩

雀兒糞

一兩微炒

雄黃

半兩細研

麝香

一分
細研

皂莢

十枚去黑皮塗
酥炙黃去子

右為末入前研了藥一處同研細令勻用精白羊肉
一觔細切更研相丸如桐子大食後以荊芥湯下五
十九

薄荷丸

出聖
惠方

治氣毒瘰癧心胸寒壅悶頸項腫發歇

疼痛不欲飲食

薄荷

一兩
乾者

木香

一兩

連翹

一兩

青橘皮

湯浸去白
焙一兩

麝香

一分
細研

皂莢

十挺長一尺不蛀者以漿水
二升浸三日起取汁為膏

右為末以皂莢煎和丸梧子大空心及晚前食以荊芥

湯下十丸

膩粉丸

出聖惠方

治氣毒瘰癧硬結疼痛不能消散者宜

服

膩粉

錢一

定粉

半兩微炒

夜明砂

一兩微炒

桂心

半兩

犀角屑

三分

斑猫

一分以糯米炒米黃為度去頭翅足

右為末研勻用軟飯和丸菉豆大每於食前以溫酒

下五丸

硫黃丸

出聖惠方

治風毒瘰癧腫硬如石疼痛

硫黃

細研一分

麝香

細研一分

鷄子

一枚煮去皮

皂角

一分末

斑貓

二十七枚糯米拌炒以黃為度去頭翅足淨

牽牛子

一分炒

右同研以軟飯和丸如小豆大食前人參湯下五丸

又方

出聖惠方

木香

半兩

烏蛇

三兩酒浸去皮骨炙微黃

乾蝎

一兩微炒

皂針

十三兩炒令黃

啄木鳥

一隻燒為灰

右為末煉蜜丸如桐子大每服以薄荷湯下十五丸

日三

又方

出聖惠方

治氣毒瘰癧結腫疼痛

斑猫

半兩去頭翅足糯米拌炒黃色

牽牛子

一兩生用

雄雀糞

三分 枳殼

一兩麩炒微黃去白

右為散每服一錢五更初用粥飲調下或有吐逆即服枳殼湯投之日午後當取惡物

蝸牛散

出聖惠方

治風毒瘰癧生於頸腋累累如桃李大

小不定腫硬疼痛

蝸牛殼

末一錢

皂角子

煨去皮取末一錢

乳香

錢一 膩粉二錢

右為末鷄子一枚開取清去黃調藥末却入殼內以濕紙三五重裹以飯甑內蒸候飯熟取出空心以五味子湯嚼下後以暖水漱口良久瀉出毒物少年者只作一服年老者分為二服臨時以意加減之

皂莢子丸

出聖惠方

治氣毒瘰癧結硬疼痛

皂莢子

二十枚炒熟

巴豆

一枚去皮油心研紙裏煨

乳香

錢二

斑貓

一枚

以糯米拌炒米黃為度去頭足翅

右為末用軟飯和丸如桐子大空心以溫酒下二丸
治氣毒瘰癧結腫未潰者令內消方

出聖惠方

槲白皮

劉三劬

丁香

一兩末

麝香

細研半兩

右以水五斗於大釜中先煮爛槲皮至一斗去滓更
以慢火熬成膏後入丁香等二味攪令勻收於瓷器
內食前以溫酒調下半匙

天靈散

出聖惠方

治氣毒瘰癧徧項及流注膂腋下有頭

疼痛

天靈蓋

一兩帶血色者以茅香水洗五七次塗酥炙令黃

虎脰骨

一兩塗酥炙令

黃

右為散以空心葱酒調下三錢晚食前再服

又方

出聖惠方

蝸牛子

二十枚生去殼炒微黃

薄荷

一兩乾者

丁香

半兩

右為末煉蜜丸如桐子大食前荆芥湯下三十丸

治瘰癧腫硬如石疼痛

五靈脂

二兩熬膏

皂莢

十枚不蛀者去黑皮塗酥炙去子

右搗皂角末以五靈脂膏和丸如桐子大早晨以薄
荷湯下九夜臨卧以溫酒下十丸

又方

出聖
惠方

皂角針一兩槲白皮末一
兩

燒灰

右同研令細食前以溫酒調下二錢

治氣瘕 用赤脚馬蘭搗細塗患處

治氣瘰癧

出聖
惠方

右用皂莢一觔不艸者去皮子塗酥炙令黃色搗羅
為末以精羊肉半觔細切研如糊下藥末相和圓如

梧桐子大每於食前以皂莢刺搗碎煎湯下十五丸服此藥一月即有大驗

熱毒瘰癧

附論

夫熱毒瘰癧者由人臟腑俱實氣血充盛內有積熱不得宣通熱毒之氣流於項腋之間搏於肌肉而生故謂之熱毒瘰癧也

方

玄參散

出聖惠方

治熱毒瘰癧癰腫疼痛宜服此散熱毒

除根

玄參 連翹 知母 當歸 雄黃

細研

牽牛

微炒黑豆

炒熟 黃芩 犀角 赤芍藥 空青 荏子 礬石

泥裹燒半白 細研各三分 地膽 一分以糯米拌炒 黃為度去翅足 斑猫 一分以糯米拌

炒以米黃為度去翅足

右為散入研了藥令勻空心以溫酒下一服一錢三五服後小便出爛肉為度

連翹散

出聖惠方

治肝膈熱毒氣盛攻項腋生瘰癧腫痛

心神煩悶背胛急疼四肢不利

連翹 漏蘆 知母 桂心 黃芩 玄參 甘

草

炙微赤 各三分

木通

剉

柴胡

去苗

大黃

微炒

朴硝

各一兩

右為散每服四錢以水一盞煎至六分去滓每服於食前溫服以利為度

紫參丸

出聖惠方

治熱毒瘰癧腫痛未成者內消已破者

行膿

紫參 苦參 丹參 連翹 臘粉 麝香

各二兩

別研

各三錢
滑石二兩半

右為末用玄參一觔搗碎以酒三碗浸三日去滓皂
角子三百枚煨熟搗末用玄參酒熬皂子末成膏和
前藥如桐子大每服一九黃耆湯下日加一九至患
人歲數止日減一九瘡自乾有結內消

治熱毒結成癰癰日夜疼痛

出聖惠方

甘草

炙微赤一兩

犀角屑

一兩半

黑豆

炒熟一兩

麝香

半兩細研

斑

猫

半兩以糯米拌炒米黃為度去翅足

右為末煉蜜和丸如桐子大空心以米飲下七丸服後覺瘡痛即住藥其病當從小便出却於盆子內看之若小便澁即服木通散

木通散

出聖惠官効方

木通

一分

葵子

一分

滑石

兩

右為散以葱白湯調下一錢日三四

又方

出聖惠方

斑猫

一分以糯米拌炒米黃為度去頭足翅

預知子

兩

犀角屑

一分水

蛭

一分微炒黃色

黑豆

一百粒炒熟

蟲

一分炒令微黃去頭足翅

右為末以酒煮麪糊和丸如黍米大人每日空心以酒下五丸小兒二丸

雄鼠糞丸

出聖惠方

治熱毒瘰癧結硬不消

雄鼠糞

二十一粒研

菴豆粉

一錢

膩粉

一錢

斑猫

二十一枚去頭翅足

以糯米拌炒
米黃為度

右相和研令勻以冷水和丸如小豆大空心以酒下二十九兩日後再服即病根並出

地膽散

出聖惠方

治熱毒瘰癧內消

地膽

一分去頭足翅以糯米拌炒令黃為度

滑石

半錢朴硝一分熬令汁盡

右為散空心以米飲調下半錢服後覺小便中下惡

物即減地膽少許十日見效

又方

出聖惠方

鷄子

一枚

斑猫

二十一枚去頭足翅以糯米拌炒黃為度膩粉一錢

右鷄子去黃留白入二味藥在內以紙蓋蒸兩炊久取出丸如小豆大每日五更初以溫酒下五丸當瀉

出病根如服未效即日更服

治熱毒瘰癧瘡腫疼痛宜服此方

出聖惠方

麝鹽

一分微炒

黃丹

半兩微炒

白礬

一分燒令汁盡

黃蘗

一分剉

白欬

分一

右為散每先用溫鹽漿水洗瘡令盡淨拭乾以鷄子清調塗於帛上貼之

山豆根方

出仁齋直指方

治咽喉上膈熱毒患瘰癧者常含

汁嚥下仍服之

山豆根 紫蘇葉

右用細剉煎湯臨臥服之

解毒方 治癰瘡四畔紅腫多汁為熱證

小黑豆二合 紫蘇一兩 薑七片

右用剉細煎湯食後服

治熱毒癰瘡內消方

斑猫十枚去頭頸翅足 大青一兩剉
糯米同炒令黃色

右為散食前溫酒調一錢

又方

皂莢

二百粒不舂湯浸經宿用炒令黃搗末

杏仁

一百粒湯洗去皮尖雙仁微炒黃為

度末搗膏糊為丸用蜜和

右同研令勻煉蜜和丸如桐子大食前以粥飲下三

十丸

斑猫散

治熱毒瘰癧

斑猫

三枚拌糯米炒令黃色去頭翅足

滑石

一分

右為散分為兩股空心糯米飲調下如人行十里每

服如覺小腸澁即煎黑豆湯服須臾小腸內取下爛肉片子即瘡未愈隔日再服

大薊根散 治熱結瘰癧

用薊根一觔搗為散每服用藥三錢匕食後酒湯調下日再服

瘰癧有膿 附論

夫瘰癧者結風於內積熱在肝榮衛不和胃隔壅滯毒熱相搏流注於筋脉結聚而成也初得即覺項邊磊磊狀

若連珠面色萎黃皮膚壯熱久而不療毒熱上蒸則成膿也按內經謂榮氣不從逆於肉理乃生癰腫蓋榮氣逆則血鬱鬱則熱氣聚而為膿瘰癧之疾亦猶是也熱氣內結搏聚在肝肝主筋肝藏血久不差故熱聚於血血腐而為膿在於頸腋腫結相連有如梅李實者是也

方

神應膏 治瘰癧已破瘡口浸引膿水不絕及治一切惡瘡貼之去惡肉好肉自生

白芨 白斂 當歸 桂去粗皮 各一分 附子一枚半 兩者去皮臍

乳香半兩 東南槐枝 柳枝各二條 長七寸剉 鉛丹三兩 巴

豆三分 去皮研 清油六兩

右各剉細於石器內先下油與白芨等煎令焦黃以白綿濾去滓入鉛丹巴豆慢水熬藥成膏先以水一碗投藥入水其藥直入水中如珠為度後刮下入瓷器內收貯每用少許量核大小塗貼

黃耆丸 治瘰癧結腫生膿

黃耆^剉 木香 漏蘆 玄參 枳殼^{醋炒微黃去白} 犀角

屑 桔梗^{去蘆頭} 牛蒡子^{微炒} 大黃^{微炒各一兩}

右為末煉蜜和丸如桐子大空心及晚食前以米飲

下二十九

驚甲散 治漂癰出膿血不止宜服此消死肉散毒氣

使癰子轉動寬軟

驚甲^{一兩用醋塗炙} 桑螵蛸^{五枚微炒} 狼毒^{三兩醋拌炒黃}

麝蟲^{五枚微炒} 磁石^{三兩細研} 雄黃^{一兩細研} 麝香^{一錢細研}

右為散入研了藥再研勻每日空心日午近夜各一服米飲調下一錢

枳殼丸 治瘰癧結腫穿穴生膿

枳殼麸炒微黃去白 玄參 漏蘆 大黃微炒 營實 牛蒡

子微炒各一兩 黃耆 露蜂房半兩微炒

右為末煉蜜和丸如桐子大每服不計時候米飲下

三十丸

連翹丸 治瘰癧結核於頸腋下内生癰潰方見本門寒熱類

白飲丸

治療癰結腫有頭膿水不止

白飲

黃耆

剉

木香

枳殼

微炒

玄參

烏蛇

酒浸去皮

骨炙色黃各一兩

斑猫

十四枚去頭足翅以糯米拌炒令米黃為度

右為末煉蜜和丸如桐子大每服空心逐日及晚食

前米飲下十丸

蜂房膏

治療癰生頭膿水不絕疼痛

露蜂房

一兩

蛇蛻皮

半兩

玄參

半兩

黃耆

二分

杏仁

一兩湯浸去皮

火雙仁研

亂髮

如鷄子大

黃丹

五兩

右細剉用麻油一觔先煎髮及杏仁候髮消盡即以綿濾去滓下黃丹以柳木篦不住手攪候熬成膏即傾於瓷合中盛旋取塗於帛上貼之

連翹散 治癰癰熱腫內敗生膿

連翹 犀角屑 黃耆

剉各一兩

木通

剉半兩

漏蘆

一分 杏

仁

一兩湯浸去皮尖雙仁麩炒微黃色

玄參

半兩

右為散每服三錢以水一盞煎至六分去滓食前溫服

紫金膏

出聖濟總錄

治療癰已破膿水不止

柳枝

三十條各長四寸

槐枝

全上

麻黃

六兩青者是

乳香

別研

沒藥

研

栢脂

各一分

右為末先熬油令沸入槐柳枝煎令黑色去枝不用
次入麻黃等熬成膏每用油紙攤塗之

地膽丸

出聖惠方

治療癰成瘡有膿貼藥後服此

地膽

去頭足翅糯米拌炒米黃為度

斑猫

去頭足翅糯米拌炒米黃為度

芫青

一枝

糯米炒令黃去頭足

牛黃

別研一兩

生豆黃

三十枝

右為末豆黃再研勻煉蜜為丸如桐子大每服一九空心茶下後更服尋常補益丸散

去毒散

出聖濟總錄

治癰癰毒氣鬱結成膿發泄不止

巴豆

一兩去散

薄荷末

二兩

皂莢末

二兩

麝香

研二錢

鯽魚

一箇

去腸肝

右研勻四味入在魚肚內泥固濟以炭火五七觔燒存性候冷取出細研每服一錢七用荊芥臘茶調下日三服

蜂房散

出聖濟總錄

治瘰癧貼瘡

露蜂房

蜜塗炙火炙令青色半兩

羊屎

四十九枚燒白色

皂角

一挺燒燼

右同研和勻洗瘡口乾用此藥貼之後可服血竭散

血竭散

出聖濟總錄

治瘰癧已破膿水不止者

血竭

炒研一分

大棗

二十枚青州者燒為灰

生乾地黄

焙半兩別拌為末

右同研如麪別取枳殼末三錢用水一盞煎至四分去滓調下散子半錢五更時服良久覺腹痛但只以枳殼飲之即自止有惡物從小便出為效

豆牛子散

出聖惠方

治療癰頭多經久不瘥膿血不止疼

痛

豆牛子

麝香

半錢
細研

右都細研如粉以津唾調貼之

薄荷丸

出聖惠方

治療癰結成顆塊疼腫穿潰膿水不絕

不計遠近皆瘥

薄荷

一束如碗
大陰乾

皂莢

十挺長一尺二寸不幹
者去黑皮塗酥炙令黃

右搗碎以酒一斗浸經三宿取出曝乾更浸三宿如

此取酒盡為度乾為散以軟飯和丸如桐子大每服
食前黃耆湯下一十九丸小兒減丸服之

鼠灰散

出聖惠方

治療癰膿水不絕宜貼

蛇腹中鼠

一枚燒灰

蝦蟇

一枚燒灰

右為末用生油調攤於帛上貼之日一度換之

確灰散

出聖濟總錄

治療癰瘡口膿血不止

用糞堆裏破瓦確兒洗淨於竈掘坎安在坑中燒二
日令捻得碎細研乾摻瘡上

紫金散

出聖濟總錄

治療癰方破

用檳榔不拘多少端正者為細末先以溫漿水洗瘡以軟帛拭乾油調塗日三上用時看多少

治療癰穿破作膿宜服此方

出聖惠方

用五月六月麥麴堆上生出菌子七枚熟搗先以米泔淨洗瘡拭乾貼日二度換之

治有瘡口膿血出者

用狸肉作羹如法食之

水紅花飲

出聖濟錄方

治療癰腫核結梗不消及膿汁旁

穿不瘡

用水紅花不拘多少一半炒用一半生用麤搗篩每服二錢水一盞煎七分去滓溫服食後臨卧日三好酒調亦可服

單方 治療破與未破及膿血淋漓其效如神

牡蠣

不拘多少放於新瓦上以三觔炭煨令灰盡取八兩為細末

甘草

二兩

右諸藥勻拌每服二錢食後以建茗同點日二服忌

魚酒酢醬油鹽海味等此病多有人父子相傳至死如服此藥定並不疼痛亦無吐痢

又方

用牡蠣不拘多少火煨為末以糊丸如桐子大每服二十丸連翹煎湯吞下

生肉方

臘月豬脂

松脂

煮過收水上白者

黃蠟

煮過收淨潔者

右各二兩用清麻油五六兩漫火熬成膏先將溫水

洗去舊藥拭乾用紙剪一大團子塗藥在上蓋瘡上

如痒不得動此生肉故也一日一次換藥切戒毒物

輕肌散

出鮑氏方

治療癰上痛化惡膿血寒熱煩燥肢筋

無力困倦虛渴飲食少進

山茨菰

即塗燈花

何首烏

蝦蟆蜋

甘草

各三分

生地

黃

半兩

獨行竹

一兩去安莖

右為散每二錢薄荷七葉煎服

活膿散

出鮑氏方

治療癰膿不快肢節疼痛煩熱口乾

防風 當歸 人參 川芎 各半
兩 金星草 五葉羌活

甘草 各三錢

右為末每一錢酒下日三服若痛甚麥門冬湯下若

紫赤色以羽刷上瘰癧毒赤腫刷四圍

內托散

出鮑氏方

治瘰癧未出膿服內托裏止痛催破

川烏

炮一兩

茯苓

桔梗

白蒺藜

炒半兩

大腹

五箇獨

活白芷 甘草

各半兩

右為散以酒下二錢日二服

秦皮散

出鮑氏方

治療並治一切惡毒

秦皮

三兩

茵草

二兩

細辛

苦參

半兩

黃連

黃芩

一兩

大

黃

三分當歸

右為麤末每一兩水煎去滓通手日一洗之

碧油五枝膏

出鮑氏方

治療癰發毒出膿血瘀肉止痛

桃枝

柳枝

桑枝

槐枝

皂角枝

右前件各一握剉細麻油十兩煎至八分淨入

明礬

半錢乳

血竭

半兩

黃丹

四兩

右都用漫火再熬成膏地上出火一宿用時化開攤片帛上大人小兒貼之收膿已破皆用未破不用

瘰癧寒熱

附論

夫瘰癧者由風熱毒氣壅滯於胞膈之間不得宣通而搏於肝肝主筋故令筋搐結而腫多生於頸腋之間浮於筋皮之中有結核累累相連大小無定其初發之時熱毒腫結故令寒熱也

方

曾青散

出千金方

治寒熱瘰癧及鼠瘻

曾青

荏子

礬石

附子

各半兩

括萎根

露蜂

房

當歸

防風

芎藭

黃耆

黃芩

狸骨

甘草

各半兩

細辛

乾薑

各一兩

斑猫

羌青

各五枚

右治末節以酒服一方已日再

連翹丸

出聖惠方

治瘰癧結腫不散欲成膿致寒熱不退

連翹

大黃

炒

沉香

薰陸香

牛蒡子

炒

黃耆

枳殼

麩炒黃各一兩

玄參

羌活

赤芍藥

升麻

芎

窮黃芩

占斯

各三分

紅鹽

一分波斯者

皂莢子仁

四十

九粒炒微黃

右為末煉蜜和丸如桐子大每於食後溫水下

射干連翹湯

出聖惠方

治瘰癧寒熱

射干

連翹

玄參

赤芍藥

木香

升麻

山梔子

前胡

去蘆

當歸

切焙

甘草

炙剉各一兩

大黃

剉炙二兩

右為麤搗篩每服三錢匕水一盞煎至七分去滓入

芒硝少許食後溫服日再服

曾青散

出聖濟
總錄

治寒熱癰瘰

曾青

研

附子

炮裂去
皮臍

礬石

熬令汁
枯研細

荏子

各半
錢

當歸

切

狸骨

酥炙

甘草

炙皮各
二兩

細辛

去苗
葉

乾薑

露蜂房

炙各
一兩

斑猫

同羌
青炒

芫青

各五枚去頭足翅用
糯米拌炒去米不用

右研為散每服一錢匕空心溫酒下

枯葦子散

出聖
惠方

治癰瘰初腫疼痛寒熱四肢不寧

枯葦子

微
炒

皂子仁

微
炒

牛蒡子

微
炒

連翹

牽牛子

微
炒

何首烏

大黃

炒

梔子仁

甘草

生
剉

白螺殼

漏

蘆各一兩

右為散每服食前溫酒調下二錢

木通丸

出聖惠方

治癰結腫身體寒熱心胃壅滯

敗醬

三分

大麻仁

一兩

大黃

二兩

赤芍藥

三分

犀角屑

三分

黑豆

一兩

昆布

一兩

木通

一兩

玄參

一兩

連翹

一兩

一兩

升麻

一兩

右為末煉蜜和丸如梧子大食後漿水下二十丸

沉香散

出聖惠方

治癰癰寒熱結腫疼痛心胃壅滯

沉香 桑寄生 射干 升麻 連翹 各三兩 大黃

一兩半炒 防風 薰陸香 藿香 各三分 麝香 一分研細

右為散入麝香研勻每服四錢水一盞煎至六分去

滓溫服日三四

漏蘆湯

出聖濟總錄
一名知母湯

治療癰初結發寒熱

漏蘆 去蘆 連翹

木通 桂 去粗皮

犀角屑

黃芩 去黑

心 此胡 去苗 玄參

大黃 剉炒 知母 各等分

右麝搗篩每服三錢匕水一盞煎至八分去滓下朴

硝半錢匕攪勻須空心臨臥服以快利為度

土瓜根散

出聖濟總錄

治寒熱癰癰

土瓜根

去土

連翹

龍膽

黃芩

去翳

苦參

括蕢實

微炒

大黃

微炒

芍藥

木香

右等分搗散食後臨臥溫酒調下一錢匕日三服

石燕丸

出聖惠方

治療癰結腫寒熱疼痛心腹煩壅

石燕

一枚細研

真珠

錢一

麝香

金石

三分細研

木香

井泉石

續隨

去皮各三分

檳榔

一兩

郁李仁

去皮微炒

一兩湯浸

右為末同研令勻煉蜜和丸如桐子大每於食後以米飲十丸下

旱蓮子丸

出丸氏方

治少長臟氣不平憂思驚恐抑鬱結

聚及外傷風寒燥熱飲食結成百毒癰癰發作寒熱遍於項腋凡久近悉主之

旱蓮子 連翹子 威靈仙 何首烏 蔓荊子

三稜

醋浸濕紙包煨

赤芍藥

各一兩

木香

二兩

大皂角

二挺刮去皮酥

炙無酥以羊脂炙

右為末糊丸梧子大建茶清下三十九或五十九日
三服小兒量與之食後服

玄參散

出聖惠方

治癰初生結腫發渴寒熱

玄參

枳殼

麩炒微黃去白

木通

獨活

各一兩

犀角屑

半兩

大黃

一兩微炒

杏仁

一兩湯浸去皮尖雙仁麩炒黃

右為散每服三錢水一盞煎至六分去滓溫服日三

兩

木香消毒湯

出聖濟總錄

治癰癰寒熱煩悶

木通

大黃

生各半兩

竹葉

乾者一分

連翹

一兩

獨活

去蘆半兩

梔

子仁

十分

右麤搗篩每服三錢水酒童子小便共一盞煎七分

去滓溫服

狸頭散

千金方有

治療寒熱癰癰

連翹

土瓜根

龍膽

苦參

黃連

桔萸

芍藥

常山皮

各一兩

狸頭骨

一枚

右搗下篩酒服五分匕日三忌猪肉冷水一方無狸

頭

連翹丸

出聖濟總錄

治療寒熱結核在頸腋之下堅頭

連翹

玄參

木香

升麻

各一兩

大黃

蒸半兩

昆布

去醎味焙二兩

枳殼

去穰炒一兩半

大麻仁

微炒別研一兩

右搗研為末煉蜜和丸如桐子大每服十五丸食前米飲下加至二十丸一方作散空心米飲調下一錢

射干丸

出聖濟總錄

治療癰惡寒壯熱久則必成瘰癧

方見

木門療癰久不差類

白欬散

出聖惠方

治療癰生於腋結腫寒熱宜用貼

白欬

半兩

甘草

玄參

木香

赤芍藥

大黃

各半兩

右為散以醋調為膏貼於患上乾即易之

治療癰初起未破作寒熱

出危氏方

木鱉子

二分去殼磨

草烏

半兩磨

葱白

連根用

蚯蚓糞

如木鱉子

等分

右真米醋磨木鱉子草烏二味入蚯蚓糞葱白調勻
傳癰上扯紙條貼之須流通氣孔

療寒熱癰瘰散

狸骨

五兩
半分

烏頭

七分
炮

黃連

七分

右搗下篩先食以酒服一錢匕日三忌猪肉冷水

玄參湯

出聖濟
總錄

治癰瘰寒熱先從頸腋諸處起者

玄參

三角
細研

磁石

三角
七搗

內燒令
細研水

飛過

醋淬

右以生絹袋盛酒三斗浸六七日每服一盞空心臨

卧溫服

治寒熱癰瘰方

出聖濟
總錄

用狸頭一枚酥炙搗為散每服一錢空心米飲調下

烏犀湯

出聖濟總錄

治初患癰癰皮肉寒熱赤腫

犀角

錢一

惡實

炒各三兩

沉香

分三

麝香

研半錢

丁香

半兩

玄參

分三大黃

剉炒

木通

剉

射干

連翹

各等分

右麤搗篩每服五錢匕水一鍾半煎至八分去津空

心溫服

癰癰久不瘥

附論

夫風熱毒氣蘊積臟腑攻於筋膜則結為癰癰其疾毒

氣所感深者則衝發肌肉不得消散或成瘡孔膿水不絕或飲食觸犯或外因風冷所傷日久月深醫藥無效遂令久不瘥也此疾尤忌憂思恚怒氣血勞傷食寒冷

方

貫衆湯

出聖濟總錄

治頸生瘰癧已鍼瘡尚不差者

貫衆

一兩半

烏蛇

酒浸炙去皮骨一兩

連翹

生乾地黄

焙各二兩

鶴虱

炒一兩

杏仁

湯浸去皮尖雙仁炒

桑根白皮

剉各二兩

白欬

一兩

藏靈仙

去苗土一兩半

白芨

一兩半

大腹皮

二兩

延胡索

一兩半

黃耆

劉一兩半

黃連

去蘆一兩

甘草

炙一兩

木占斯

二兩

右為末搗篩每服五錢匕水一盞半入生薑五片煎

至八分去滓食後溫服

狼毒散

出聖惠方

治療癰久經年月膿水不時發焮腫

狼毒

劉醋拌

鼠李根皮

沉香

連翹

薰陸香

鷄舌香

詹糖香

丁香

各一兩

薇銜

三分

斑猫

二十枝以

糯米炒黃去頭

玄參

三分

昆布

三分洗去鹹味

右為散食前以荊芥湯調下一錢

麝香膏

出聖惠方

治瘰癧久經年月成瘻瘡者

麝香

雄黃

半兩細研

連翹

恒山

側子

昆布

狼毒

黃耆

敗醬

各半兩

斑猫

三十枚

蝦蟇灰

一兩細研

右細剉以臘月猪脂一觔半於淨鐺中煎十餘沸去

滓下諸藥以漫火煎攪候黃耆黑色綿濾去滓收以

瓦合中後下麝香雄黃蝦蟇灰調令勻每用故帛上

塗貼日三兩度換之

立應散

治瘰癧久不愈者

方見本門諸瘰癧類

射干丸

出聖濟總錄

治風熱毒瘰久不瘥惡寒壯熱勞動

轉甚漸成瘰

射干

昆布

去鹹味

海藻

洗鹹味各一兩

木香

黃芩

去黑犀

角屑

各三分

芍藥

連翹

白欬

各半兩

大黃

剉二兩

玄

參

一兩一分

烏蛇

酒浸去皮骨二兩

右為末煉蜜丸如桐子大食後溫酒下十五丸

九

出聖惠方

治瘰久不瘥沉注臍腋衝破皮肉膿血

不止

斑猫

米一分糯米拌炒令足

麝香

細研

水蛭

炒令黃

光

青

一分糯米拌炒米黃為度去頭足

甘草

半兩炙煨赤剉

黑豆

炒熟

大黃

微炒

烏蛇

二兩酒浸去皮骨炙微令黃

右為末入麝香研令勻煉蜜和丸如菉豆大空心以米飲下三丸如未覺加至五丸小便中當出爛肉為效如小便較澁以溫水調滑石末一錢服之

丁香丸

出聖濟總錄

治癰久不瘡或已破膿血甚者

母丁香

生半兩

蒼耳苗

炒一兩

青箱子

生

皂角仁

各半兩

甜葶藶

半炒半生一兩

厚朴

去粗皮薑汁一兩炒

丹砂

研半兩一分為衣一分入藥

右為末棗肉為丸如菴豆大丹砂為衣每服十九至

十五丸粟米飲下日三服

漏蘆湯

出聖濟總錄

治癰久不瘥將欲破者

漏蘆

洗焙半兩

海藻

洗焙半兩

連翹

一兩

沉香

剉半兩

山梔子仁

一兩一分

丹參

玄參

各一兩

右麤搗篩每服三錢匕水一盞半煎至八分去滓溫

服

何首烏散

出聖濟總錄

治癰瘰久不差

何首烏

去黑皮半兩

黃耆

細剉半兩

皂莢

酥炙去皮子

薄荷

各一兩

蛇蛻皮

焦灰半兩

龍腦

研一錢

麝香

研一錢

右為末煉蜜如桐子丸大每服十九丸薄荷湯下不拘

時候

犀角散

出聖濟總錄

治癰瘰久不差

犀角屑

鎔

蕪荑

生

斑猫

炒一兩

牽牛子

炒

黑豆

各一兩生

用麝香

研

龍腦

研各一兩

右除龍腦麝香外為細散再入研藥拌勻每服一錢
已熱酒調下空心服藥後再飲酒一盞投之下惡
物為度

七神丸

出聖惠方

治癰癰數年不瘥根株漸大流注四肢

斑猫

三十枚去頭足翅糯米拌炒米黃為度

露蜂房

半兩燒灰

蛇蛻皮

一條

燒蝟皮

一兩燒灰

麝香

三分細研

雄黃

半兩研細

硃砂

三分細研水飛過

右為末入研了藥令勻煮棗肉和丸如桐子大空心
糯米飲下七丸如腹內覺有小痛及增寒即減兩丸

百日之內瘥

硼砂散

出聖惠方

治療癰經久不瘥

硼砂

一兩

斑猫

三十枚糯米拌炒米黃為度去頭足翅

乾漆

足一兩搗碎炒令黃

色水馬

三七枚去足炒黃

白芷

半兩

滑石

一兩

桂心

半兩

右為散空心以米飲調下一錢晚食前再服

麒麟竭膏

出聖惠方

治療癰久穿穴傷風冷膿水不住宜

用煖肌生肉

麒麟竭

分一

白欬

黃連

檳榔

丁香

龍骨

各一

麝香分一錢
細研

右為末入乳鉢內便研令勻用野駝脂調如膏塗於
帛上貼之日二用之

六神散出聖濟
總錄

治療癰久不瘥

皂莢刺

薄荷

昆布

洗去
鹹味

海藻

洗去
鹹味

連翹

各半
兩

白莢子

五十枚
燒灰

右為細末每服二錢匕茶調下食後臨卧服

地栢散

出聖
惠方

治療癰經數年不瘥

地栢

半兩炒
令微黃

玄參

三分
升麻

牛蒡子

一兩
炒

犀角

一兩

右為散食前溫水調下一錢

治療癰經年不瘥諸藥無效者宜服此方

出聖
惠方

蛇蛻皮

一條
燒灰

露蜂房

一兩
燒灰

蛻皮

一兩
細研

糯米
二十枚

炒米黃為度
去頭尾翅

麝香

一兩
細研

右令細煉蜜和丸如桐子大每食前皂莢子仁湯下

七丸

必效散

出瘡科
精要

治久患癰癰不效

斑猫

四十箇
去頭翅

巴豆

十箇
去皮心膜

白栴榔

一箇

麝香

半錢

南礪

砂二錢
半

輕粉

一錢

右同研極細取鷄子清二箇去黃調藥勻却傾在鷄子殼內濕紙數重糊定無令透氣生飯甑內與飯一處蒸飯熟取藥曝乾研細末用時相度虛實虛人每服半錢實人每服一錢並用炒生薑酒下五更初服藥至平明取下惡物如覺小腹內疼痛更用葶麻子燒灰入沒藥等分同研細用茶調下一錢便入大腸

其取下惡物如爛肉老鼠兒及新成卵內雀兒是藥
效婦人有胎不可服

紫金散

出瘡科
精要

治癰癰久不痊者

枯白礬

半兩

砒霜

一錢

石膽

半兩

黃丹

二錢

右為細末糯米飲粥和丸如桐子大捏作餅子爆乾
如瘡破者研為末摻於瘡上如不破者灸三壯炷如
麥大安藥餅子於火盤上後用水沉香蓋之去根平
復

勝金膏

出聖濟總錄

治瘰癧久不瘥

黃連

去鬚

蚰栗子

去殼

甘草根

剉

黃蜀葵花

龍骨

各半

兩

白芨

一分

右為細末取榆窠上紅蟲秤三兩半候乾同為末更入粉霜三錢同研勻每用藥三錢匕入膩粉少許取鷄子清調攤帛上先以口濕漿水洗淨搵乾貼之隔日易

連翹湯

出聖濟總錄

治瘰癧諸方不瘥

連翹 犀角

鎔

青箱子

蔓荊實

黃耆

劉各等

右麤搗篩每服三錢匕水一盞煎至七分去滓溫服
空心食前服

破毒雄黃丸

出危氏方

治癰久作不愈寒熱往來項筋攣

急已破未破可服之惡物自小便中來

通明雄黃

顯塊大硃砂

各二錢

斑猫

二十八箇去皮翅用糯米

炒水銀

三錢

右先以斑猫為末續以雄黃硃砂為末再入水銀細

研合和用鷄子清和糯米稠糊為丸菴豆大每服二
七丸米飲或溫酒下如惡物未見半日再一服聖惠
方有膩粉無斑猫

治癰積年癰惡瘡瘡瘡軟癰膿出及多年瘡根蝕肉腫

痛不可醫者俱用此

出聖惠方

青黛 砒霜 礞砂 麝香

各一兩 粉霜一錢

右八乳鉢內細研以麪糊丸如小麥粒大若瘡有頭
即入瘡口中以麪糊紙蓋頭須臾藥發痛後至五七

日出却瘡根使用生肌膏藥封之甚效

桃紅散

出聖濟
總錄

用血竭湏真好者如無以深色胭脂代之為細末以
自津唾調日夜頻塗瘡成靨即用浴毒湯洗之

紫紅散

出聖濟
總錄

治療已成漏瘡歲久不愈

信砒

錢一礬石

錢二鉛丹

錢三

右用瓷罐子先入砒次入礬次入鉛丹蓋之鹽泥固
濟炭火煨煙盡至紫色取出以紙襯於地上一時辰

出火毒研細先以溫水洗淨瘡挹乾取藥少許以生
蜜調塗日夜五六次塗至五七日瘡漸斂紫黑色即
用前桃紅散敷之

浴毒湯

出聖濟
總錄

黃栢

去粗皮

黃連

去鬚

甘草

剉

黃芩

去黑心
各二兩

大豆

一合栢

枝

一把截如
指節長

右麤搗篩每用三四匙以水二升煎至一升乘熱淋
洗日三四次候洗下瘤子即用平肌散敷之

平肌散

出聖濟總錄

黃狗頭骨

燒灰

鱗鯉甲

燒灰

各一錢

亂髮

一團

暗大燒灰

右研勻如瘡口已乾用自津唾調濕敷之日三四次

瘡即平愈一方無鱗鯉甲

治癰經年不瘥常出膿血疼痛不止宜服此方

出聖惠方

斑猫

一分糯米拌炒末黃為度去頭尾翅

羚羊角

屑一兩

麝香

一分

甘

草

一兩炙微赤

右為末用軟飯和丸如菽豆大空心以荊芥湯下七

九

蜴蜥丸

治療癰久不瘥出膿水腫痛日夜不已

方見本門

赤癰
癰

治療癰腫硬疼痛久不瘥宜用此

出聖惠方

硼砂

蜜陀僧

斑猫

雄雀糞

各一兩

右為末用軟飯和丸如麥粒大曝乾內入瘡孔中用麪糊帛貼之五六日自落

烏鷄丸

出聖濟總錄

治癰久不瘥

烏鷄卵

一枚

錦貝子

半兩

右將錦子入鷄卵內用濕紙蓋頭七重再用泥固濟火煨過後入地坑內出火毒一宿取出研細入雄黃半兩麝香一錢同細研煉蜜丸菴豆大空心蜜水下五丸不過五服效

異效散

出聖濟總錄

治癰結核久不瘥

光青

四十枚

麒麟竭

一兩

右同藏於餅中存性燒過地上出火毒研細每半錢

米飲調下加至一錢匕

內消方

一名必挺丸出
仁齋直指方

治癰久不瘥及治大人小兒

瘰癧內消

斑猫

一分糯米炒
去頭足翅

薄荷葉

三分

右為末烏鷄子清和丸梧子大空心茶清下二九午
時候服三九臨卧服四九次日空心服五九臍下痛
小便取下惡物為效如小便秘喫葱茶少許

花葉散

出仁
存方

治瘰漏瘡惡瘡婦人妬癰痛與不痛多

年不瘥並治之

黃蜀葵

十五朵
去蒂

桑葉

二十
五片

右蜜乾為末入乳香半分研勻每用少許瘡乾麻油調塗瘡濕乾摻

治久年癰但未定交合項者皆可服

出百
選方

用鯽魚二箇三寸大者開去腸肚不去鱗巴豆不拘多少填魚腹內滿為度麻皮纏定用煉熟黃泥裹了曬七分乾用三二觔炭火煨過魚藥同研極細陳米

飲和丸菥豆大每服二粒或三粒陳米飲下日二三服加少麝香一方忌羊肉動風物

治療癰久不瘥者

出肘後方

用生玄參搗碎敷之日三次易之

木鱉膏

出仁齋直指方

治療癰經久發歇無已及膿血淋漓並

皆服之

用木鱉仁二箇厚紙裹去油研碎以烏鷄子調和磁盞盛之甑內蒸熟每日食後喫一次服之半月自然

消靡

治癰腫痛時久不瘥

用狸頭蹄骨等用酥塗炙令黃搗為散每日空心米飲調下一錢

治癰經久不瘥

用斑猫一枚去翅足微炙以漿水一盞空服之或用蜜水調下重者不過七枚差

治癰癰腫硬疼痛時久不瘥

出聖惠方

用蝙蝠端午日收之燒灰細研如是翁癰即無頭母
癰即有頭尖含水洗之以紙絰之絰藥於瘡孔中不
過三五度即瘥若是翁即蜜陀僧末少許以麪糊調
之即內消

治癰癰年深日久不瘥潰爛膿血作臭穢者

用五丁草俗名貓兒眼睛連根采取不計多少亦不
切碎盛入砂石鍋內澆滿冷水煎熬極爛順手不住
攪轉乾則再添水至熬化成稠膏入全蝎數箇再熬

撈去粗渣如膏藥馨香為度傾入磁罐埋土中留口
出火氣為度以紅帛攤貼患處兩三日自落不過三
兩次即愈比及上藥先以艾炷於瘡四圍排灸之痛
極至不痛為度膿血流出用軟物搵乾淨然後前膏
塗之

治癰瘰久不瘥

用鰾豬膏塗之

普濟方卷二百九十二